


活怪

法疴機

單要





活法機要

朱震亨著

編主五雲王

編初成集書叢

種一他其及要機法活

中華民國二十六年十二月初版

發行人

王

雲

五

○ 長沙南正路

印刷所

商

務

印

書

館

發行所

商

務

印

書

館

各埠

活法機要

東垣與寒古家珍及劉守真病機保命大同而小異矣

泄痢證

臟腑泄痢其證多種大抵從風濕熱也是知寒少熱多故曰暴泄非陰久泄非陽溲而便膿血知氣行而血止也宜大黃湯下之是為重劑黃芩芍藥是為輕劑治法宜補宜泄宜止宜止和則芍藥湯止則呵子湯有暴下無聲身冷自汗小便清利大便不禁氣難喘息脈微嘔吐急以重藥溫之漿水散是也後重則宜下腹痛則宜和身重者除濕脈弦者去風膿血稠粘以重藥竭之身冷自汗以毒藥溫之風邪內縮宜汗之驚滯為痢當溫之在表者發之在裏者下之在上者瀉之在下者竭之身表熱者內疎之小便澀者分利之盛者和之去者送之過者止之除濕則白朮茯苓安脾則芍藥桂破血則

黃連當歸宣通其氣則檳榔木香如泄痢而嘔上焦則生姜
橘皮中焦則芍藥當歸桂茯苓下焦則治以輕熱甚以重熱
藥若四肢懶倦小便少或不利大便走沉困飲食減宜調胃
去濕白朮茯苓芍藥二味水煎服如發熱惡寒腹不痛加黃
芩為主如未見膿而惡寒乃太陰欲傳少陰也加黃連為主
桂枝佐之如腹痛甚者加當歸倍芍藥如見血加黃連為主
桂當歸佐之如煩燥或先便白膿後血或發熱或惡寒非黃
連不止上部血也如惡寒脈沉或白腰痛或血臍下痛非黃
芩不能止此中部血也如惡寒脈沉先血後便非地榆不能
止下部血也唯脈浮大者不可下

黃芩芍藥湯

方在寶鑑泄痢條下

大黃湯

治泄痢久不愈膿血稠粘裏急後重日夜無度久不愈

者

大黃 一兩

右剉細好酒二大盞同浸半日許煎至一盞半去大黃不用將酒分二服頓服之如未止再服以利為度復服芍藥湯和之痢止再服黃芩芍藥湯和之以徹其毒也

芍藥湯

方在寶鑑內痢疾條下。

白朮黃芩湯

服前藥痢疾雖除更宜此和之

白朮 一兩

黃芩 半兩

柴胡 甘草 參分

一方無黃芩用黃芩半兩

右咬咀均作三服水煎服清

防風芍藥湯

治泄痢飧泄身熱脉弦腹痛而渴及頭痛微汗

防風

芍藥

黃芩

已上各壹兩

右咬咀每服半兩或一兩水煎

白朮芍藥湯

治太陰脾經受濕水泄注下体重微滿困弱無力

不欲飲食暴洩無數水穀不化宜此和之

白朮

芍藥各一

甘草五分

右劉每服一兩水煎

蒼朮芍藥湯

治痢疾痛甚者

蒼朮二兩

芍藥一兩

黃芩

桂各五分

右劉每服一兩水煎

呵子龍

如腹痛漸已泄下微少宜止之

呵子皮

熟各半

木香

半兩

黃連

三分

灸甘草各三分

右為細末每服一錢以白朮芍藥湯調下如止之不已宜歸而送之也 呵子散內加厚朴一兩竭其邪氣也

藥水散

治暴泄如水周身汗出身上盡冷脉微而弱氣少不能

語甚者加吐此謂急病

半夏蘇兩 附子蘇兩 乾生薑 炙甘草 桂各伍分

良姜貳分半

右為細末每服三五錢漿水二盞煎至半和滓熱服

黃連湯 治大便後下血腹中不痛者謂之濕毒下血

黃連 當歸各半兩 炙甘草貳分半

右吹咀每服五錢水煎

芍藥黃連湯 治大便後下血腹中痛者謂之熱毒下血

芍藥 黃連 當歸各半兩 大黃壹分 淡味桂半兩

炙甘草貳分

右吹咀每服五錢水煎如痛甚者調木香檳榔末一錢服之

芍藥湯 治下痢膿血裏急後重日夜無度

芍藥壹兩 當歸伍分 大黃貳分 黃連壹分 黃芩貳分半

木香

檳榔各壹分

右為末每服五錢水煎

加減平胃散

方在室鑑內泄痢條下

地榆芍藥湯

治泄痢膿血乃至脫肛

蒼朮

捌兩

地榆

貳兩

卷柏

參兩

芍藥

參兩

右咬咀每服一兩水煎病退止

五泄之病胃小腸大瘦二證皆以清涼飲子主之其泄自止厥

陰證加甘草以緩之少陰證裏急後重故加大黃又有太陰

陽明二證當進退大承氣湯主之太陰證不能食也當先補

而後泄之乃進藥法也先煎厚朴半兩製水煎二三服後未

已謂有宿食不消又加枳實一錢同煎二三服泄又未已如

稍進食尚有熱毒又加大黃二錢推過泄止在藥如泄未止

爲腸胃有久塵垢滑粘加芒硝半合宿垢去盡則愈也陽明證能食是也當先泄而後補謂退藥法也先用大承氣湯五錢水煎服如利過泄未止去芒硝後稍熱退減大黃一半再煎兩服如熱氣雖已其人必腹滿又減去大黃去枳實厚朴湯又煎二兩服如腹滿退泄亦自愈後服厚朴湯數服則已

癘風證

癘風者榮氣熱附其氣不清鼻柱壞而色敗皮膚瘍潰風寒客於脉而不去故名癘風又曰脉風俗曰癩治法刺肌肉百日汗出百日凡二百日鬚眉生而止先搽皮散從少至多服五七日灸承漿穴七壯灸瘡愈再灸再愈三灸之後服二聖散泄熱祛血之風邪戒房室二年病愈

搽皮散

治肺臟風毒遍身瘡疥及癩疹癢痒成瘡面上風刺粉

刺

樺皮肆兩荆芥穗貳兩

杏仁貳兩去皮尖用水一匙於銀器內已來放令乾用

炙甘草半兩

枳殼肆兩去穢用炭火燒欲灰於濕席上令乾

右件除杏仁外餘藥為末將杏子另研與諸藥和勻磁合內放之每服三錢食後溫水調下

聖散

治大風癘疾將皂角刺一二斤燒灰研細煎大黃半兩

調下一錢早服樺皮散中煎升麻湯下瀉青丸晚服二聖散

此數等之藥皆為緩疎油血中之風熱也

七聖丸七宣丸皆治風壅邪熱潤利大腸中風風癘癘風大

便秘澁皆可服之

破傷風證

夫風者百病之始也清淨則湊理閉拒雖有大風奇毒弗能為

害故破傷風者通於表裏分別陰陽同傷寒證治人知有發
表不知有攻裏和解此汗下和三法也諸瘡不差榮衛虛肌
肉不生瘡眼不合者風邪亦能外入於瘡為破傷風之候諸
瘡上灸及瘡着白痂瘡口閉塞氣難通泄故陽熱易為鬱結
熱甚則生風也故表脈浮而無力太陽也在表宜汗脈長而
有力陽明也在裏宜下脈浮而弦小者少陽也半在表半在
裏宜和解若明此三法而治不中病者未之有也

治破傷風

治破傷風邪初傳在表

羌活

防風

川芎

藁本

當歸

芍藥

甘草

各肆兩

地榆

細辛

各貳兩

右咬咀每服五錢水煎量緊慢加減用之熱則加大黃三兩
大便秘則加大黃一兩緩緩令過熱甚更加黃芩二兩

白朮防風湯 若服前藥過有自汗者

白朮

黃耆

各一兩

防風

二兩

右咬咀每服五七錢水煎

破傷風藏府秘小便赤用熱藥自汗不休故知無寒也宜速

下之先用芎黃湯三二服後用大芎黃湯下之

芎黃湯

川芎

一兩

黃芩

六分

甘草

二分

右咬咀水煎

大芎黃湯

川芎

伍分

羌活

黃芩

大黃

各一兩

右咬咀水煎

羌活湯

治半在表半在裏

羌活

菊花

麻黃

川芎

白茯苓

防風

石膏

前胡

黃芩

蔓荊子

細辛 甘草 枳殼已上各一兩 薄荷 白芷各半兩

右咬咀生姜同煎日二

防風湯治破傷風同傷寒表證未傳入裏宜急服此藥

防風 羌活 獨活 川芎各等分

右咬咀水煎服後宜調蜈蚣散大効

蜈蚣散 蜈蚣一對 鱧伍分 左盤龍伍分炒烟尽用

右為細末用防風湯調下如前藥解表不已竟直轉入裏當

服左龍丸服之漸漸看大便硬軟加巴豆霜

左龍丸 治直視在裏者

左盤龍五分炒 白殭蚕五分炒 鱧伍分炒 雄黃一分研

右同為細末燒餅為丸桐子大每服十五丸溫酒下如裏證

不已當於左龍丸內一半末加入巴豆霜半錢燒餅為丸桐

子大同左龍丸一劑每服加一九漸加服至利為度若利後更服後藥若搐痊不已亦宜服後藥羌活湯也

羌活湯

羌活

獨活

地榆

防風

各一兩

右咬咀水煎如有熱加黃芩有涎加半夏若病日久氣血漸虛邪氣入胃全氣養血為度

養血當歸地黃湯

當歸

地黃

芍藥

川芎

藁本

防風

白芷

各一兩

細辛

五分

右為鹿末水煎

頭風證

肝經風盛木自搖動梳頭有雪皮乃肺之證也謂肺主皮毛實則泄青丸主之虛則消風散主之

雷頭風證

夫雷頭風者震卦主之諸藥不効爲與證不相對也

升麻湯

一兩 蒼朮 一兩

荷葉 全 一个

右爲細末每服五錢水煎或燒荷葉一个研細用前藥調服亦可

胎產證

婦人童幼至天癸未行之間比屬少陰天癸既行皆從厥陰論之天癸已絕乃屬太陰經也治胎產之病從厥陰經無犯胃氣及上三焦爲之二禁不可汗不可下不可利小便發汗者同傷寒下早之證利大便則脉數而已動於脾利小便則內亡津液胃中枯燥製藥之法能不犯二禁則榮衛自和而寒熱止矣如發渴而白虎氣弱則黃耆血刺痛而用以當歸腹中疼而加之芍藥大抵產病天行從增損柴胡雜證從增損

四物宜詳察脈證而用之

產前寒熱小柴胡湯中去半夏謂之黃龍湯

二黃散治婦人有孕胎漏

生地黄 熟地黄 各等分

右為細末煎白朮枳殼湯調下

半夏湯治胎衣不下或子死腹中或子衝上而昏悶或血暴下

及胎乾不能產者

半夏一兩 桂七分半 桃仁三十個微炒去皮尖 大黃伍分

右為細末先服四物湯二兩服次服半夏湯生姜同煎

增損柴胡湯治產後經水適斷感於異證手足攣搐咬牙昏冒

繫屬上焦

柴胡八分 黃芩四分 人參三分 甘草四分炒 石膏四分

知母二分 黃耆伍分 半夏二分

右為鹿末每服半兩生薑棗同煎

秦九湯前證已去次服此以去其風邪

秦艽八分 芍藥半兩 柴胡八分 防風 黃芩各四分半

人參 半夏各三分 炙甘草四分

右為鹿末水煎

荆芥散二三日後經水復行前證俱退宜此

小柴胡湯一料加荆芥穗五錢 枳殼麩炒去穢伍分

右為鹿末同小柴胡煎法

防風湯三二日後宜正脾胃之氣兼除風邪

蒼朮四兩 防風三兩 當歸一兩 羌活一兩半

右為鹿末水煎

三分散 治產後日久虛勞針灸小藥俱不効者

川芎 熟地黄 當歸 芍藥 白朮

茯苓 黃耆已上各一兩 柴胡 人參各一兩

黃芩 半夏 甘草各六分

右為鹿末水煎服清

血風湯 治產諸風痿痺無力 秦艽 羌活

防風 白芷 川芎 芍藥 當歸

地黄 白朮 茯苓各等 加半夏 黃耆

右為細末一半為丸煉蜜如桐子大一半為散溫酒調下丸

藥五七十九

治血運血結或聚於胸中或偏於少腹或運於脇肋四物湯四

兩倍當歸川芎鬼箭紅花玄胡各一兩同為鹿末如四物煎

服清調

發藥散服之

蜜虫 去羽足一分微炒 水蛭 一分炒 麝香 少許沒藥一分

右為細末煎前藥調服血下痛止只服前藥

加減四服湯

治產後頭痛血虛氣弱痰癖寒厥皆令頭痛

羌活 川芎 防風 香附子 炒各兩半壹兩 細辛 壹兩半

炙甘草 當歸 各伍分 石膏 二兩半 熟地黄 一兩 香白芷 一兩半

蒼朮 一兩六分去皮

右為塵末每服一兩水煎

如有汗者是氣弱頭痛也前方中加芍藥三兩桂一兩半生

姜煎

如頭痛痰癖者加半夏三兩茯苓一兩半生姜煎

如熱厥頭痛加白芷三兩石膏三兩知母一兩半

如寒厥頭痛加天麻三兩附子一兩半生薑煎

四物湯治諸變證 方已載元戎方中

紅花散治婦人產後血昏血崩月事不調遠年乾血氣皆治之

乾荷葉 牡丹皮 當歸 紅花 蒲黃炒各等分

右為細末每服半兩酒煎和滓溫服

如衣不下別末榆白皮煎湯調下半兩立効

當歸散治婦人惡物不下

當歸 羌花炒 右為細末酒調三錢

又一方好墨醋淬末之小便酒調下

治胎衣不下蛇退皮炒焦細末酒調下如胎衣在腹另碾榆白

皮末同煎服立下

生地黄散 諸見血無寒衄血下血吐血溺血皆屬於熱

生地黄 熟地黄 枸杞子 地骨皮 天門冬

黃耆 芍藥 甘草 黃芩已上各等分

右為鹿末每服一兩水煎脈微身涼惡風每一兩加桂半錢

麥門冬飲子 治衄血不止

麥門冬 生地黄各等分

右剉每服一兩水煎 又衄血先朱砂蛤粉 次木香黃連

大便結下之大黃芒硝甘草生地黄

澹軟梔子黃芩黃連可選而用之

帶下證

赤者熱入小腸白者熱入大腸其本濕熱寃結于脈不散故為

赤白帶下也寃屈也結也屈滯而病熱不散先以十棗湯下

之後服苦練九。大玄胡散調下之。熱去濕除病自愈也。
月事不來先服降心火之劑。後服局方中五補九。後以衛生
湯治脾養血氣可也。

苦練九

治赤白帶下

苦練

碎酒浸

茴香炒

當歸

各二分

右爲細末酒糊丸如桐子大每服五十九空心酒下

衛生湯

白芍藥

當歸

各二兩

黃耆

三兩
甘草 一兩

右爲鹿末水煎空心。如虛者加人參一兩

大頭風證

夫大頭風證者是陽明邪熱太甚資實少陽相火而爲之也。多
在少陽或在陽明或在太陽視其腫勢在何部分隨經取之。
濕熱爲腫木盛爲痛此邪見於頭多在前後先出治之大不

宜藥速則過其病所謂上熱未除中寒復生必傷人命此病是自外而之內者是血病況頭部分受邪見於無形迹之部當先緩而後急先緩者謂邪氣在上著無形之部分既著無形無所不至若用重劑速下過其病難已雖無緩藥若急服之或食前或頓服皆失緩躰則藥不能得除病當徐徐浸漬無形之邪也或藥性味形躰拗象皆要不離緩躰是也且後急者謂緩劑已瀉邪氣入於中是到陰部染於有形質之所若不速去則損陰也此終治却為客邪當急去之是治客以急也 且治主當緩者謂陽邪在上陰邪在下若急治之不能解紛而益亂也 治客以急者謂陽分受陰邪陰分受陽邪此客氣急除去之也 假令少陽陽明為病少陽為邪出於耳前後也陽明為邪者

首大腫也先以黃芩黃連甘草湯通炒過剉煎少少不住服
或劑畢再用煨黍粘子新瓦上炒香同大黃煎成去滓內芒
硝俱各等分亦時時呷之無令飲食在前得微利及邪氣已
只服前藥如不已再同前次第服之取大便利邪氣則止
如陽明渴者加石膏
如少陽渴者加苳薑棗

陽明行經升麻芍藥葛根甘草

太陽行經羌活防風之類

黑白散

治大頭風如神

方在後家珠內

消毒丸

在玉鑑內附

瘡證

夏傷於暑秋必病瘡蓋傷而淺者近而暴傷之重者遠而疾瘡
瘡者久瘡也是知夏傷於暑溫熱閉藏而不能發泄于外邪
氣內行至秋而發為瘡也何經受之隨其動而取之有中三

陽者有中三陰者經中邪氣其證各殊同傷寒論之也五藏皆有瘧其治各異在太陽經謂之風瘧治多汗之在陽明經謂之熱瘧治多下之在少陽經謂之風熱瘧治多和之在陰經則不分三經摠謂之濕瘧當從太陰經論之

治瘧疾劇暑前發頭痛項強脉浮惡寒有汗

桂枝 羌活 防風 甘草 各半兩

右為鹿末水煎 如吐者加半夏麴等分

治瘧病頭痛項強脉浮惡風無汗者

麻黃 羌活 防風 甘草 各半兩

右為鹿末水煎 如吐者加半夏麴等分

治發瘧如前證而夜發者

麻黃 炙甘草 黃芩 桂 桃仁

右爲末水煎桃仁散血緩肝夜發乃陰經有邪此湯散血中風寒也

治瘡服藥寒熱轉大者知太陽陽明少陽三陽合病也宜

黃芩湯

和之

甘草

黃芩

人參各四分半

半夏

四分

柴胡

二兩一分

石膏

知母

各伍分

桂枝

二分

右爲鹿末水煎

從卯至午時發者宜大柴胡湯下之

從午至酉發者知其邪氣在內也宜大承氣湯下之

從酉至子時發者或至寅時者知其邪氣在血也宜桃仁承

氣湯下之微利後更以小柴胡湯制其邪氣可也

熱證

有表而熱者謂之表熱無表而熱者謂之裏熱有暴發而爲熱

者乃久不宣通而致也。有服溫藥而為熱者，有惡寒戰慄而熱者，蓋諸熱之屬心火之象也。治法小熱之氣涼以和之，大熱之氣寒以取之，甚熱之氣則汗發之，發之不尽則逆制之，制之不尽求其屬以衰之。苦者以治五藏，五藏屬陰而居於內，辛者以治六府，六府屬陽而在於外，故內者下之外者發之，又宜養血益陰，其熱自愈。

地黃丸

方在前發明內附

如煩渴發熱虛煩蒸病空心服地黃丸食後服**防風當歸飲子**

柴胡

人參

黃芩

甘草

滑石

大黃

當歸

芍藥

防風

各半兩

右為鹿末生薑同煎

如痰實咳嗽加半夏

黃連

治大便黃米穀完出驚悸溺血淋閉欬血衄血自汗頭

痛積熱肺痿

黃連

黃蘗

黃芩

山梔子仁各一兩

右爲細末滴水爲丸桐子大溫水下

如大便結實加大黃自利不用大黃

如中外有熱者作散剉服名解毒湯

如腹滿嘔吐欲作利者解毒湯內加半夏茯苓厚朴各三錢

生姜同煎 如白膿下痢後重者加大黃二錢

中膈方在難知內附。加減于后

若咽噎不利腫痛并涎嗽者加桔梗一兩荊芥穗半兩

若欬而嘔者加半夏半兩生姜煎

若鼻衄嘔血者加當歸芍藥生地黃各半兩

若淋瀝者加滑石四兩茯苓一兩

當歸承氣湯 治熱攻於上不利於下陽狂奔走罵詈不避親疎

大黃

當歸各一兩

甘草

半兩

芒硝

玖分

右咬咀生姜棗同煎

牛黃膏 治熱入血室發狂不認人者

牛黃

二分

朱砂

蔚金

各一分

腦子

甘草

各一分

牡丹皮 三分

右為細末煉蜜為丸如皂子大新水化下

治表熱惡寒而渴陽明證白虎湯也

若膚如火燎而熱以手取之不甚熱為肺熱也目睛赤煩燥

或引飲獨黃芩一味主之

若兩脇下肌熱脉浮弦者柴胡飲子主之

若脇肋熱或一身盡熱者或日晡肌熱者皆為血熱也四順

飲子主之

若夜發熱主行陰乃血熱也四順飲子桃仁承氣選而用之
若晝則明了夜則譫語四順飲子證

若發熱雖無脇熱亦為柴胡證

晝則行陽二十五度氣藥也大抵則柴胡飲子
夜則行陰二十五度血藥也大抵則四順飲子

眼證

眼之為病在府則為表當除風散熱在藏則為裏宜養血安神
暴發者為表而易治久病者在裏而難愈除風散熱者瀉青
丸主之養血安神者定志丸婦人則熟乾地黃丸主之

治眼暴赤暴腫

防風

羌活

黃芩

黃連

已上各一兩

右咬咀水煎食後溫服

如大便秘澁加大黃一兩

如痛甚者加當歸地黃各一兩

如煩燥不得眠睡加梔子一兩

地黃湯 治眼久病昏澁因發而久不愈者

防風 羌活 黃芩 黃連 地黃

當歸 人參 茯苓已上各等分

右為鹿朮水煎

四物龍膽湯 治目暴發方在元戎四物湯條下附

點眼藥則有**瞻光膏** 方在後冊雜方內附

洗眼藥則有**夜光膏** 方在寶鑑內附 疳藥在後雜方內附

消渴證

消渴之疾三焦受病也有上消有消中有消腎上消者肺也多飲水而少食大便如常小便清利知其燥在上焦也治宜流濕以潤其燥

消中者胃也渴而飲食多小便赤黃熱能消穀知其熱在中焦也宜下之

消腎者初發為膏淋謂淋下如膏油之狀至病成而面色黧黑形瘦而耳焦小便濁而有脂液治法宜養血以肅清分其清濁而自愈也。

黃連膏

黃連末壹斤生地黄自然汁白蓮花藕汁牛乳汁各壹斤右將汁熬成膏子剉黃連末為丸桐子大每服二十九少呷溫水送下日進十服渴病立止

八味丸 治消腎 方在發明內附

腫脹證

五臟六腑皆有脹經云平治權衡去宛陳剋開鬼門潔淨府平
治權衡者察脉之浮沉也去宛陳剋者踈滌腸胃也開鬼門
者發汗也潔淨府者利小便也蠱脹之病治以鷄屎醴酒調
服水脹之病當開鬼門決潔淨府也

治水腫蠱蝮去頭尾與葡萄心同研露七日曝乾爲末淡酒調
下暑月用佳

又方棗一斗鍋內入水上有四指用大戟并根苗蓋之通益合
之煮熟爲度去大戟不用旋旋喫無時尺棗決愈神効

瘡瘍證

瘡瘍者火之厲須分內外以治其本若其脉沉實當先踈其內

以絕其源也其脉浮大當先托裏恐邪氣入內也有內外之中者邪氣至盛過絕經絡故發癰腫此因失托裏及失疎通又失和榮衛也治瘡之大要須明托裏疎通行榮衛之三法內之外者其脉沉實發熱煩躁外無焮赤痛深於內其邪氣深矣故先疎通臟腑以絕其源外之內者其脉浮數焮腫在外形證外顯恐邪氣極而內行故先托裏也內外之中者外無焮惡之氣內亦臟腑宣通知其在經當和榮衛也用此三法之後雖未差必無變證亦可使邪氣峻減而易痊愈

內傷黃連湯

治嘔哕心逆發熱而煩脉沉而實腫硬木悶而皮肉不變色根繫深大病遠在內臟腑秘澁當急疎利之

黃連

山梔子

芍藥

當歸

檳榔

木香

薄荷

連翹

黃芩

桔梗

甘草 已上各一兩

右爲末水煎先喫一二服次後加大黃一錢再服加一錢以利爲度

如有熱證止服黃連湯大便秘澁則加大黃

如齋無熱證煎後藥復煎散時時服之如無熱證及大便不秘澁止服復煎散稍有熱證却服黃連湯秘則加大黃如此內外皆通榮衛和調則經絡自不遏絕矣

內托復煎散 治腫焮於外根槃不深形證在表其脉多浮痛在

皮肉邪氣盛而必侵於內須急內托以救其裏也

地骨皮 黃耆 防風略二 芍藥 黃芩

白朮 茯苓 人參 甘草 當歸

防已 已上各一兩 柳桂 淡味加伍分

右咬咀先煎蒼朮一斤用水五升煎至三升去蒼朮滓入前藥十二味再煎至三四盞絞取清汁作三四服終日服之又煎蒼朮滓為湯去滓再依前煎十二味藥滓服之此除濕散鬱熱使胃氣和平如或未已再作半料服之若大便秘及煩熱少服黃連湯如微利煩熱已退却服復煎散半料如此使榮衛俱行邪氣不能自侵也

黃耆湯

治瘡瘍藏腑已行如痛不可忍者

當歸

黃耆

地黃

川芎

地骨皮

芍藥

各等分

右咬咀水煎如發熱加黃芩如煩燥不能睡卧者加梔子如嘔則是濕氣侵胃倍加白朮

芍藥湯

右治血氣壯實若患癰疽大小便不通

升麻 大黃各二兩 黃芩半兩 枳實麩炒 當歸

芍藥一名一兩半 炙甘草一兩

右咬咀水煎食前

復元通氣散 治諸氣滯耳聾胃腹癱便癱瘡疽無頭止痛消腫

青皮 陳皮各四兩 甘草三兩生熟各半 川山甲炮

括蕪根各二兩 加金銀花一兩 連翹一兩

右為細末熱酒調下

五香湯 治毒氣入腹托裏若有異證於內加減

丁香 木香 沉香 乳香各一兩 麝香二分

右為細末水煎空心

嘔者去麝加藿香葉一兩 渴者加人參一兩

赤芍藥散 治一切丁瘡疽癰初竟增寒疼痛

金銀花 赤芍藥 各半兩

大黃 七分半 瓜蒌 大者一枚

當歸 甘草 枳實 各三分

右為鹿末水酒各半煎

桃紅散 斂瘡生肌定血辟風邪

滑石 四兩 乳香 輕粉 各一分 小豆粉 一分 寒水石 三兩

一方改小豆粉為定粉一兩

右為極細末乾貼

冰霜散 治火燒皮爛太痛

寒水石 生牡蠣 燒朴硝 青黛 各一兩 輕粉 一分

右為細末新水或油調塗立止

乳香散 治杖瘡神效 自然銅 半兩 火燒醋蘸十遍

乳香 沒藥 各三分 藜香 四分 當歸 半兩

右為細末每服五錢溫酒調下

五黃散 治杖痛定痛

黃丹

黃連

黃芩

黃蘗

大黃

乳香

已上各等分

右為細末新水調成膏用緋絹帛上攤貼

化毒散

治一切金瘡狗咬傷婦人敗血惡血奔心血運胎

死胎衣不下至死者以童子小便調下一錢取下惡物神效

硫黃

明淨者四兩

花藥石一斤

右一味拌勻用紙筋和膠泥固濟瓦甌子一个入藥內密泥

封口了焙乾安在四方磚上

磚上書八卦五行字

用炭一秤

圍燒自己午時從下生火直至經宿火尽又經宿甌冷取研

極細磁盒內盛

世有散 治年深疔瘻瘡

黃連 半兩

白斂

白芨

丹 各一兩

輕粉 一分

龍腦

麝香

各半分另研

蜜佗僧

一兩

右為細末和勻乾糝或紙上以膏貼之

生肌散

寒水石

滑石 各一兩

烏魚骨

龍骨 各一兩

定粉

蜜佗僧

白礬灰

乾烟脂

各半兩

右為極細末乾糝用之

平肌散

治諸瘡久不斂

蜜佗僧

花藥石

一物同煨赤

白龍骨

各一兩

乳香

另研

輕粉

各一分

黃丹

黃連 各二分半

右為極細末和勻乾糝

聖藥

治惡瘡透了不覺疼痛者

銅礮壹兩 硃砂貳分 蟾酥壹分

右爲細末燒飯和作麥糝挺子每用刺不覺痛者須刺血出方經藥在內以膏貼之

用藥加減

如發背丁腫膿潰前後虛而頭痛於托裏藥內加五味子

恍惚不寧加人參茯苓

虛而發熱者加地黃括萎根

潮熱者加柴胡地骨皮

渴不止者加知母赤小豆

虛煩者加枸杞天門冬

自利者加厚朴

膿多者加當歸川芎

痛甚者加芍藥乳香

肌肉遲生者加白斂官桂

有風邪者加獨活防風

心驚悸者加丹砂

口目瞤動者加羌活細辛

嘔逆者加丁香藁葉梔葉

痰多者加半夏陳皮

迴瘡金銀花散 治瘡瘍痛甚則色變紫黑者

金銀花 連枝葉剉 貳兩

黃耆 肆兩 甘草 壹兩

右咬咀用酒一升同入壺瓶內閉口重湯內煮二兩時辰取出去滓頓服之

雄黃散 治瘡有惡肉不能去者

雄黃 壹分 巴豆 不去皮研壹个 去皮半分

右二味再同研如泥入乳香沒藥各少許再研勻細少上惡肉自去矣

癰癤證

夫癰癤者結核是也或在耳後或在耳前或在耳下連及頤頰或在頸下連缺盆皆謂之癰癤或在背及背之側或在兩脇皆謂之馬刀手足少陽主之

治結核前後耳有之或耳下頷下有之皆瘰癧也桑椹二斗種
熟黑色者以布裂取自然汁不犯銅鐵以文武火慢熬作薄
膏子每日白沸湯點一匙食後日三服

治馬刀

連翹湯

連翹

瞿麥花

各壹斤

○大黃

叁兩

甘草

貳兩

右咬咀水煎服後十餘日可於臨泣穴灸二十七壯服五六十
日方効在他經者又一方加大黃木通五兩一作貝母五兩雄
黃七分攢榔半兩減甘草不用同前藥爲細末熟水調下三
五錢服之

瞿麥飲子

連翹

壹斤

瞿麥穗

半斤

右爲麤末水煎臨卧服此藥經効多不能連驗宜待歲月之
久除也

咳嗽證

咳謂無痰而有聲肺氣傷而不清也嗽謂無聲而有痰脾濕動而爲痰也咳嗽是有痰而有聲蓋因傷於肺氣而致動於脾濕因致而有嗽也治咳嗽者治痰爲先治痰者下氣爲上是以南星半夏勝其痰而咳嗽自愈也枳殼陳皮利其氣而痰自下也痰而能食者大承氣湯微下之痰而不能食者厚朴湯治之夏月嗽而發熱者謂之熱痰嗽小柴胡湯四兩加石膏一兩知母半兩用之冬月嗽而發寒熱謂之寒嗽小青龍加杏仁服之蜜煎生姜湯蜜煎橘皮湯燒生姜胡桃皆治無痰而嗽者此乃大例更當隨時隨證加減之

利膈丸

方在寶鑑內附

救氣丸

治久嗽痰喘肺氣浮腫

郁李仁 青皮去白 陳皮去白 檳榔 木香

杏仁去皮 馬兜苓炒 人參 廣茂 當歸

澤瀉 茯苓 苦苧蘆炒各貳分 防己伍分

牽牛取頭末壹兩半

右為細末生薑汁麵糊為丸桐子大生薑湯下

治咳嗽諸方在家珍內并寶鑑內者更宜選而用之

虛損證

虛損之疾寒熱因虛而感也感寒則增陽陽虛則陰盛故損則自上而下治之宜以辛甘淡過於胃則不可治也感熱則損陰陰虛則陽盛故損則自下而上治之宜以苦酸鹹過於脾則不可治也自上而損者一損於肺故皮聚而毛落一損損於心故血脈虛弱不能榮於臟腑婦人則月水不通二損損

於胃故飲食不為肌膚也自下而損者一損損於腎故骨痿不能起於床二損損於肝故筋緩不能自收持三損損於脾故飲食不能消尅也故心肺損則色弊肝腎損則形痿脾胃損則穀不化也

治肺損皮聚而毛落宜益氣四君子湯方在前難知內附

治心肺虛損皮聚而毛落血脉虛損婦人月水愆期宜益氣和

血八珍湯方在前元戎內附

治心肺損及胃損飲食不為肌膚宜益氣和血調飲食十全散

方在前元戎內附

治腎肝損骨痿不能起于床宜益精筋緩不能自收持宜緩中

牛膝丸

牛膝酒浸 萆薢

杜仲劉炒 菴蓉酒浸 兔絲子

防風

葫芦巴炒桂減半

破故紙

沙苑白蒺藜

右等分爲細末酒煮豬腰子爲丸每服五七十九空心溫酒下如腰痛不起者服之甚効

治陽盛陰虛肝腎不足房室虛損形瘦無力面多青黃而無常

色宜榮血養腎

地黄丸

蒼木

壹斤熟地黄

壹斤

乾姜

春茶分

夏半兩

右爲細末蒸棗肉爲丸桐子大每服五七十九至百丸諸飲下若加五味子爲腎氣丸述類象形神品藥也

如陽盛陰虛心肺不足及男子婦人面無血色食少嗜卧肢

躄困倦宜八味丸

方在元戎內附

如形躄瘦弱無力多困未知陰陽先損夏月宜地黄丸春秋

宜腎氣丸冬月宜八味丸

治病久虛弱厭厭不能食**（中丸）**方在前脾胃論中

吐證

吐證有二氣積寒也皆從二焦論之上焦在胃口上通於天氣主內而不出中焦在中脘上通天氣下通地氣主腐熟水穀下焦在臍下通於地氣主出而不納是故上焦吐者皆從於氣氣者天之陽也其脈浮而洪其證食已暴吐渴欲飲水大便結燥氣上衝而胃發痛其治當降氣和中中焦吐者皆從於積有陰有陽食與氣相假爲積而痛其脈浮而匿其證或先痛而後吐或先吐而後痛治法當以小毒藥去其積積榔木香和其氣下焦吐者皆從於寒地道也其脈沉而遲其證朝食暮吐暮食朝吐小便清利大便秘而不通治法當以毒藥通其秘塞溫其寒氣大便漸通復以中焦藥和之不令大

便秘結而自愈也

治上焦氣熱上衝食已暴吐脉浮而洪宜先和中

桔梗湯

桔梗

白木

各壹兩半

半夏

貳兩

陳皮

去白

白茯苓

枳實

麸炒

厚朴

姜製炒

香各壹兩

各壹兩

右咬咀水煎取清調木香散二錢隔夜空腹服之後氣漸下

吐漸止然後去木香散加芍藥二兩黃耆二兩半每一料中

筭加之

如大便燥結食不盡下以大承氣湯去硝微下之少利再服

前藥補之

如大便復結依前再微下之

木香散

木香

檳榔

各等分

右為細末前藥調服

厚朴丸主翻胃吐逆飲食噎塞氣上衝心腹中諸疾其藥味即

與萬病紫苑丸同

方在元戎方內附

其加減于后

春夏再加黃連

貳兩

秋冬再加厚朴

貳兩

如治風於春秋所加黃連厚朴外更加菖蒲茯苓各一兩半
如治風瀰不愈者依春秋加減外更加人參菖蒲茯苓各一
兩半 如失精者加菖蒲白茯苓為輔

如肝之積加柴胡蜀椒為輔

如心之積加黃連人參為輔

如脾之積加吳茱萸乾姜為輔

如腎之積加菖蒲茯苓為輔 秋冬久瀉不止加黃連茯苓

心痛證

諸心痛者皆少陰厥陰氣上衝也有熱厥心痛者身熱足寒痛

甚則煩燥而吐額自汗出知爲熱也其脈浮大而洪當灸大
谿及崑崙謂表裏俱瀉之是謂熱病汗不出引熱下行表汗
通身而出者愈也灸畢服金鈴子散則愈痛止服枳朮丸去
其餘邪也有大實心中痛者因氣而食卒然發痛大便或秘
久而注悶心曾高起按之愈痛不能飲食急以葷黃丸利之
利後以葷本湯去其邪也有寒厥心痛者手足逆而通身冷
汗出便溺清利或大便利而不渴氣微力弱急以朮附湯溫
之寒厥暴痛非久病也朝發暮死急當救之是知久病無寒
暴病非熱也

金鈴子散治熱厥心痛或發或止久不愈者

金鈴子

玄胡

各壹兩

右爲細末每服二三錢酒調下溫湯亦得

治大實心痛一藥

厚朴丸同紫苑丸

在元戎方內

煮黃丸

方在陰證略例內

治大實心痛大便已利宜

葉木湯

止其痛也

葉木

半兩

蒼木

壹兩

右為鹿末水煎服清

治寒厥暴痛脈微氣弱宜

附湯

溫之

方在雲岐脈論內附

疝證

男子疝婦人瘕聚帶下皆任脈所主陰經也腎肝受病治法

同歸於一

酒黃歸丸

當歸

附子

苦練子

茴香

各壹兩

右剉以酒三升同煮酒盡為度焙乾作細末入

丁香

木香

全蝎

各貳分

玄胡

貳兩

右同爲細末與前藥一處拌勻酒糊爲丸每服三五十九至百丸空心溫酒下凡疝氣帶下皆屬於風全蝎治風之聖藥茴香苦練皆入小腸故以附子佐之丁香木香則導爲用也治奔豚及小腹痛不可忍者

苦練丸

苦練

茴香

各壹兩

黑附子

壹兩炮去皮臍

右用酒二升煮酒盡爲度曝乾或陰乾搗爲極細末每一兩

藥末入

全蝎

拾捌个

玄胡

伍分

丁香

拾伍个

右共爲細末酒糊爲丸桐子大每服百丸空心酒下如痛甚煎當歸入酒下大効

活法機要 畢



怪 疴 單

朱元亨 著

本館據夷門廣牘
本影印初編各叢
書僅有此本

怪病單

元朱丹溪著

明周履靖梓

治人鼻中毛出晝夜長一二尺漸漸粗圓如繩
痛不可忍摘去更生此因食猪羊血過多而
然也用礪砂乳香飯爲丸水下十粒早晚各
一服病去乃止

一人忽覺自形作兩人並卧不別真假不語問
亦無對乃離魂也用硃砂人參茯苓濃煎服

真者氣爽而假者即化

治遍身忽然肉出如錐痒痛不能飲食名血癰
用赤皮菝燒灰水淋汁洗內服淡豆豉湯數
盞即愈

治人眼前常見禽蟲飛去捉之即無乃肝膽經
爲疾用酸棗仁羌活玄明粉青箱子各一兩
爲末每水煎二錢和滓服日三服

治人眼珠垂下至鼻大便血出名肝脹用羌活
水煎數服即愈

治人腹中有物作聲隨人語言名應聲蟲服雷
丸即愈

一人飲油五升方始快意乃髮入胃血裹化爲
蟲也用雄黃五錢水調服

治人腹中有虫如蟹走於皮下作聲如兒啼爲
筋肉之化用雷丸雄黃等分爲末摻猪肉上
炙而食之即愈

一人因着艾灸訖火痂便落瘡內鮮血片片如
胡蝶樣騰空飛去痛不可忍此是血肉俱熱

怪病 四
用大黃芒硝等分爲末水調下微利即愈
一人臨卧忽渾身虱出約五升血肉俱壞而舌
尖血出不止用鹽醋湯飲十數次即愈

治人眼赤鼻張大喘渾身出斑髮如銅鐵絲硬
乃目中熱毒氣結於下焦用白凡滑石各一
兩水三碗煎至一碗半不住口飲盡乃效

一人卧於床四肢不能動只進得食好大言說
喫物謂之失說物望病如說某物即以其肉
與看不與食之失他物望也睡中流出饒唾

病即愈

治人手十指斷壞唯有筋連無節肉內虫出如
燈心長數寸遍身綠毛名血餘用茯苓胡黃
連煎服愈

一人遍身皮底渾渾如波浪聲痒不可忍抓之
血出不能止名氣奔用人參苦杖青鹽細辛
各一兩水二碗煎十數沸飲盡便愈

治眼內白眚俱黑見物依舊毛髮直如鉄條不
語如醉名血潰用五靈脂酒調下二錢愈

治人口鼻中氣出盤旋不散疑似黑蓋過十日
漸漸至肩與肉相連堅勝鉄石無由飲食多
因瘡後得之用澤蘭水煎日飲三盞五日愈
治頭面發熱有光色他人手近如火灸用蒜汁
半兩酒調下吐物如蛇遂安

一人渾身生泡如甘棠梨破則出水內有石一
片如指甲大其泡復生抽盡肌肉不可治矣
急用三稜莪朮各五兩爲末分三服酒調下
治夜有醉者口渴誤吞水蛭腹痛黃瘦不進飲

食用小死魚三四箇猪脂煎鎔攪勻入巴豆
十粒碎爛和田中乾泥丸如菉豆大以田中
冷水吞下一丸泄下爲度

治人忽然氣上喘不能語口中涎流吐逆齒皆
搖動氣出轉大即悶絕名傷寒併熱霍亂用
大黃人參各五錢水三盞煎一盞服

一人口内生肉毬有根線長五寸餘吐毬出方
可飲食以手輕捏痛徹於心水調生射香一
錢頻頻服之三日根化而愈

治人手足甲忽然長倒生肉刺如錐食葵菜自
愈

治人面上及遍身生瘡似貓兒眼有光彩無膿
血冬則近脛名白寒瘡多食魚雞菘韭即愈
治人脅破腸出臭穢急以香油抹腸送入即不
出又以人參枸杞子煎湯淋之皮自合喫猪
腎粥十日愈

一人小便中出屎大便出尿名交腸用舊幘頭
燒灰酒下五分愈

治玉莖硬不痿精流無歇時如針刺捏之則脆
乃爲腎漏疾用韭子破故帛各一兩爲末每
三錢水煎日三服即止

一人身及頭面肉腫如蛇狀用雨濕磚上青苔
一錢水調塗立消

治人大腸內虫出不斷斷之復生行坐不得用
鶴虱末水調服五錢自愈

治蛟龍瘕用寒食飯三升每食五合日三服吐
出蛟龍而愈

治鼻腥臭水流以碗盛而視之有如鉄色蝦魚
如米大走躍捉之即化爲水此肉壞矣食雞
肉一日二次不過一月而愈

治兩足心凸如腫硬如釘脛骨生辟孔流髓身
發寒戰惟思飲酒此肝腎氣冷熱相吞用川
烏炮爲末付之內煎韭菜湯服之愈

治四肢節脫但有皮連不能舉動名曰筋解用
黃蘆酒浸一宿焙乾爲末酒調下二錢多服
即安

一人咽喉間生肉層層相疊漸漸腫起有竅出
臭氣用臭橘葉煎服愈

有小兒身上發瘡初生如魚胞又如水晶碎則
水流用蜜陀僧羅極細摻之

一兒初生遍身無皮俱是赤肉掘土坑卧一宿
即長皮又方白早米粉乾撲於上候生皮乃
止

治人項上生瘡如櫻桃有五色瘡破即項皮斷
逐日飲牛乳自消

治人寒熱不止四肢如石擊之如鐘聲日漸消瘦用茱萸木香等分水煎一二服即愈

一人大腸頭出寸餘候乾自退落又名截腸病用芝麻油器盛坐之飲大麻子汁數升愈

治人腹中如鐵石臍中水出旋變作虫行之狀遶身匝皮痒痛不忍扒掃不盡濃煎蒼朮浴之又以蒼朮加麝香水調服之

一人眉毛搖動目不能視喚之不應但能飲食用蒜三兩取汁酒調下即愈

一人毛竅節次血出少間不出即皮脹如鼓口
鼻眼目俱脹合名脉溢用生姜汁并水各一
二盞服之即安

人面瘡 昔人患此于臂上滴酒瘡口中即面
赤與物食之即肉脹獨以貝母付之則歛眉
閉口若有苦楚之狀乃煎貝母湯以葦筒灌
之數日成甲而愈

一婦人年二十餘腮生一竅口中所欬膿血與
竅相應而出此肺痿也用人參黃芪當歸加

退熱排膿之劑而愈

治患蛇瘕乃蛇精及液沾菜上人悞食之腹內成蛇或食蛇亦有此証其人常飢食之即吐用赤頭蜈蚣一條炙爲末分二服酒下

鼈瘕痛有未止或食鼈即痛用雞屎一升炒黃投酒中浸一宿焙爲末元浸酒調下

雞瘕有病冷痰者醫曰因食白淪雞過多故也用蒜一枚煮服乃吐一物如升大痰暴開視之乃雞雛也再服吐十三雛而愈

治婦產後有傷胞破不能小便常漏濕不乾用
生絲絹一尺剪碎白牡丹根炒白芨各末一
錢水一碗煎至絹爛如錫空心頓服不得作
聲作聲即不効

一人心漏當胷數竅血液常流二十年用鹿茸
酥炙附子炮鹽花棗肉爲丸每酒下三十九
半月而愈

治婦人產後忽兩乳細小下垂過小腹痛甚名
乳懸用川芎當歸各二斤內用半斤水煎服

餘用燒烟熏口鼻二料乃効

一婦產後水道中出肉線一條長三四尺動之則痛欲絕先服失笑散數服次以帶皮姜三斤研爛入清油二斤煎油乾爲度用絹兜起肉線屈曲于水道邊以前姜燻之冷則熨之一日夜縮其大半二日即盡入再服失笑散芎歸湯調理之如肉線斷則不可治矣

治人手指攣曲節間疼不可忍漸至斷落以革麻子去殼二兩碎者不用黃連四兩貯瓶內

水二升浸之春夏三日秋冬五日每早面東
以此水吞下草麻子一粒漸加至四五粒微
泄無害忌食動風物屢驗

一人傷寒舌出寸餘連日不收用梅花腦摻舌
上應手而收重者用五錢方愈

張子和治一婦人木舌脹滿口諸藥罔效以鉗
針砭之五七度腫減三日方平血出盈斗

一婦產後忽生虫一對于地能行長寸餘自後
月生一對醫以苦參加打虫藥爲丸服之又

生一對埋于土中過數日發而視之暴大如拳名子母虫從此絕根

一婦眼中忽有血如射而出或緣鼻流下但出血多時即經不行乃陰虛相火之病遂用歸身尾生地紅芍加柴胡黃栢知母條芩側栢葉木通桃仁紅花水煎食前服數帖而愈

一婦妳頭裂用秋後嫩茄子綻開頭者陰乾燒爲末水調服愈

治身被鬼擊有青痕作痛以金銀花煎酒服

一人患腦疽面目腫閉頭欬如斗此膀胱濕熱所致以黃連消毒飲二劑次以槐花酒二碗頓退以指按下腫即復起此膿已成也於頸額肩頰各刺一孔膿並湧出口目始開更以托裏藥加金銀花連翹三十劑全愈

紅絲瘤東垣云李叔和問中年得一子一歲後身生紅絲瘤而死後四子皆然何也曰汝乃腎中伏火精內有紅絲故也俗名胎瘤汝試取精觀之果如其言遂以滋腎丸數服其妻

服六味地黄丸乃受胎生子前證不復作矣
蛇入人竅中急以手捻定以刀刮破尾以椒或
辛辣等物置尾以綿繫之即自出不可拔

一婦人產後日食茶粥二十餘碗一月後遍身
冰冷數塊以指按其冷處即冷從指下上應
至心如是者二年諸治不効以八物湯去地
黃加橘紅入姜汁竹瀝一酒鍾十服乃溫
一人頸項腫與頭相統按之堅硬用漏蘆湯一
劑服下發痒頃刻消散

治婦盤腸產者臨產即子腸先出而後產子產子之後其腸不收以醋半盞冷水七分調勻噴婦面三噴則腸收盡此良法也

丹溪治一婦產戶下一物如帕有尖約重一斤却喜血不盡虛急與黃芪白朮升麻各五分人參當歸各一錢水煎連服三劑即收上

夏月中寒一人暑月行百里渴而飲山水至晚以單蓆陰地上少睡頃間寒熱吐瀉身如刀刮而痛醫皆曰中暑也進黃連香薷飲不應

予診其脉細緊而伏此中寒也衆皆笑曰六月
中寒有是事乎予以附子理中湯治之六
服乃濟

冬天傷暑一婦冬月患洒洒惡寒翕翕發熱惡
食乾嘔大便欲去不去諸醫皆虛弱用滌痰
二陳湯不効後請予治脉虛無力予曰類乎
傷暑衆以爲不然予究之婦曰昨因天寒令
取綿套蓋之因得此症予曰誠哉傷暑也汝
之綿套晒之盛暑熱收箱中必有暑氣今躰

虛得之易入故病如是婦曰然遂用黃連香
薷飲進二服其病瘳矣噫冬天傷暑夏月中
寒病亦鮮見醫家問切之功活變之法不可
不知也

一人耳內有丁如棗核大痛不可動一待詔用
火酒滴耳內令仰上半時以鉗取出絕根

一婦產後因子死經斷不行者半年一日小腹
忽痛陰戶內有物如石硬塞之而痛不禁衆
醫不識青林曰此石瘕病也用四物加桃仁

大黃三稜枳榔玄胡索附子澤瀉血竭爲湯
二劑而愈

一人左手無名指爪角生一小瘡初起麻粒大
用小刀挑開瘡頭血出如濁不止一日夜長
出肉瘤如菌裹指頂內開一孔如一眼目轉
動此疔毒也以艾灸四十壯不知疼痒復烙
之剪去肉瘤敷拔疔散外以膏藥貼之內服
解毒湯七日全愈

一少年新婚欲交媾女子阻之乃逆其意遂陰

痿不舉者五七日以秃筆頭燒灰酒調服一
二錢頃即起

一人當額害楊梅瘰一箇數年不愈一方士治
之先用藥爛去瘀肉見內有骨一片如錢大
取而去之治仍不效復爛之又有骨一片再
取去敷生肌散收口而愈

怪疴單終

